

Մի ալ երգի մէջ նա իրեն կոչում է Նոր-Ջուղայեցի, իսկ «Խաղ վասն աւերածոյ Ջուղայու» տաղում գրում է. «Մեր Ջուղու»։ Այդ պատմական արւարձանի մասին նա գովեստով է խօսում եւ անւանում. «Աստծոյ օրհնած, չէն ու բարդար» մի քաղաք։ Այդտեղ էլ նա մի օր եղել է Բարանենց ընտանիքում, որոնց վերայ գրել է մի զաւեշտ։ Աչուղի մասին կենսագրական համառօտ դժեր գտնում ենք նաեւ Նոր-Ջուղայի պատմութեան Բ. հատորի 156-րդ էջում, ուր կարդում ենք հետեւեալ տողերը.

«Բաղէր օղլի էր երգիչ կամ աչուղ ջուղայեցի։ Ունի սա զբաղում ցուցա բարոյական խրատուց, այլ նշանաւոր են երկու տաղը կամ ցուցք նորա, մինն ի դուրստ ջուղայու ասացեալ, եւ միւսն եղերերգութիւն վիճակի նորա։ Յեղերերգութիւնն նորին կայ թուական Աղարիայի ձԼԱ - 131. յորում ամի երգէ ինքն զայն ցուցիւր, որով յայտնի լինի, թէ նա յամի 1730՝ ց45, երգեալ զայն երկու երգան իւր»։

Այս բոլոր տեւալներէ կարող ենք հետեւցնել, որ աչուղ Բաղէրը ծնւել, մեծացել եւ իր կեանքի մեծ մասն անց է կացրել Նոր-Ջուղայում եւ նրա շրջակայքում. դոնէ այնտեղ էր նա 1746 թւին, երբ Նաղիր շահը հարստահարութիւնների ենթարկեց արւարձանի հայերին։ Այդ շրջանում նա միշտ ապրել է ժողովրդի մէջ եւ եղել է Նոր-Ջուղայի աչուղը։ Այդ հանգամանքն է հաստատում «Նաղու Դիրար» խորագրով երգը.

«Ասի. քեզ հետ ասող լսողն ո՞վ ա,
Ասեց. Բաղէր օղլի աչուղն Ջուղու»։

Բնորոշ է եւ այն, որ աչուղ Բաղէրը ո՛չ միայն նազել է սաղի վրայ, այլ եւ եղանակներ է յորինել եւ երգել, ինչպէս ինքն է ընդգծում.

«Ասի. Բաղէր օղլիս ամոռ, կանչող ամ,
Ասեց. կշախ նստիր՝ դամ արա՛ սիրոյն»։

Սակայն նա ո՛չ միայն Նոր-Ջուղայի ժողովրդի մէջ վառ է պահել աչուղական երգը եւ իր քնարով փայլ է տւել նրա հանդէսներին, այլ եւ նապարանն ուսին դրած՝ շրջել է դիւղից դիւղ եւ գոսանական սաղն ու տաղերը հնչեցրել է գիւղական ժողովրդի մէջ։ Ահա իր վկայութիւնը.

«Բաղէր օղլի՛, դու քեզ ցան տուր,
Սագդ վեր առ, գնա՛ գեղէց գեղ ման տուր»։

Թէ ե՞րբ է վախճանւել եւ ո՞ւր են հանգչում նրա աճիւնները, յայտնի չէ։ Յամենայն դէպս, պէտք է ենթադրել, որ մեռած պիտի լինի 1746 թւականից յետոյ, որովհետեւ այդ թւին նա գրել է իր պատմական երգերը։ Նոյն շրջանում էլ նա միշտ ապրել է ժողովրդի սրտին մօտիկ եւ երգել նրա ցաւերն ու տանջանքները։

ԵՐԳԵՐԸ

Աչուղ Բաղէր օղլու երգերը բազմաբանդն են. նա հիւսել է բարոյական-խրատական տաղեր. յորինել է սիրային մօտիւններ, երգիծական երգեր եւ պատմական ոտանաւորներ։ Դրանցից շատերը, դժբախտաբար, կորել են։ 1921 թւին Նոր-Ջուղայում գտնւած հին ձեռագիր տաղարաններից եւ այլ աղբիւրներից փրկեցինք աչուղի 20 քերթւածները։ Ծիշտ է, դրանք դրական տեսակէտից մի առանձին արժէք չեն ներկայացնում եւ զեղարւեստական թոյլ կառուցւածք ունեն, բայց իրենց ներքին բովանդակութեամբ հետաքրքրական են եւ ուշադրաւ։ Դրանցից երեքը՝ 1) «Խաղ Բաղէր օղլու վասն աւերածոյ Ջուղայու», 2) «Խաղ Բաղէր օղլու վասն Նաղիր շահի սպանման» եւ 3) «Թիւն ձԼԱ» (1746) նախ լոյս են տեսել 1863 թւին Եղիազար Տէր-Յարութիւնեանի խմբագրած «Վիմատիպ» «Յղապարհ» թերթի 47 - 48 թւերում, «Բաղէր օղլի Ղազարն Ջուղու» խորագրով, ապա տպագրւել են Յարութիւն Տէր-Յովհաննէանցի «Պատմութիւն Նոր-Ջուղու»

ղայու» Ա. հատորի 258-264 էջերում, 1880 թւին։ Մնացեալ 16 երգերը գտնւում են մեր գրական արխիւում։ Ինչո՞ւմն է կայանում, սակայն, այդ երգերի հասարակական արժէքը։ — Նրանում, որ այդ տաղերը գրեւորւում են ո՛չ միայն աչուղի անձնական յոյզերն ու ապրումները, այլ եւ բնորոշ դաղափար են տալիս ԺԸ դարի մինչեւ կէսն ապրող Նոր-Ջուղայի հայ ժողովրդի քաղաքական - տնտեսական դրութեան մասին։ Այդ ոտանաւորներն ընդգծում են նաեւ մի կարեւոր հանգամանք, որ աչուղը չի երգել միայն իր անհատական խոհերն ու մտորումները, այլ, ընդհակառակը, դուրս դառն անձնական եսի սահմանափակ շրջանից, խորագէտ ապրել է ու տանջւել ժողովրդի կեանքով։ Նա ըստեղծագործութեան նիւթ է դարձրել իր ժամանակի հասարակութեան կեանքը, վրձինել է նրանց տնտեսական դրութեան պատկերը, երգել է նրանց կրած անլուր տանջանքներն ու դառն օրերը։ Այդտեղ էլ կայանում է աչուղի երգերի հասարակական նշանակութիւնը։ Բայց այդ ոտանաւորների պատմական արժէքն էլ աւելի լորների պատմական լուրջութիւնը պարզ եւ աւելի խոր կերպով ըմբռնելու համար նախ համառօտ դժերով պատկերենք, թէ ի՞նչ էր ներկայացնում Հարաւային Իրանում, առանձնապէս Նոր-Ջուղայում, ապրող հայերի տնտեսական եւ քաղաքական դրութիւնը։

ՋՈՒՂԱՀԱՅԵՐԻ ՏՆՏԵՍԱԿԱՆ ԴՐՈՒԹԻՒՆԸ

Նոր-Ջուղայի հայ ժողովրդի տնտեսական կեանքի զարգացման պատմութիւնն սկսում է ԺԸ դարից եւ առանձին փայլ ստանում ԺԸ դարում։ Դա Իրանի առեւտրական կապիտալի ձեւակերպման շրջանն է։ Դա այն պատմաշրջանն է, երբ Պարսկաստանի առեւտրական ասպարիզում սակաւաթիւ էին պարսիկ խոշոր վաճառա-

կանները եւ դեռ չկային հմուտ արհեստաւորներ։ Ահա ֆէօդալական այդ շրջանում Իրանի տնտեսա - առեւտրական դիրքերում երեւան են գալիս մի խումբ նախաձեռնող հայ վաճառականներ ու հմուտ արհեստաւորներ, որոնք շնորհիւ իրենց կազմակերպական ձիրքի եւ ընդունակութեան, կարողանում են կարճ ժամանակում տընտեսապէս առաջադիմել եւ զարկ տալ Իրանի թէ՛ արհեստներին եւ թէ՛ վաճառականութեանը։ Այսպէս, ուրեմն, Պարսկաստանի պատմութեան մէջ, տնտեսական ասպարիզում, հանդէս են գալիս առեւտրական կապիտալի լաւագոյն ներկայացուցիչները։ Դրանք, գլխաւորապէս Նոր-Ջուղայեցի մեծահամբաւ հայ վաճառականներն են, որոնցից ԺԸ դարի չժմբին, 1605-1671 թւականը, 66 տարւայ ընթացքում փայլում են՝ խօջա Նազար, խօջա Սաֆրազ, խօջա Մուշեղ, խօջա Հայկազ, խօջա Էլիազ, խօջա Սալիկ Հայկազեան, խօջա Ջալալ եւ ուրիշներ, որոնք ո՛չ միայն վայելում են Շահ-Աբրահամ Մեծի հովանաւորութիւնն ու աջակցութիւնը, այլ եւ առանձին հրովարտակով իրաւունք ստանում Պարսկաստանում ազատ վաճառականութիւն եւ առեւտուր անելու, երեւոյթներ, որոնց շնորհիւ էլ նրանք զիջում են խոշոր հարստութիւն։ Ահա թէ ինչո՞ւ այդ պատմաշրջանում Նոր-Ջուղան ո՛չ միայն դառնում է առեւտրական մի կեդրոն, այլ դարձւում « բարձրակառոյց ու զեղեցկաչէն » վանքով, եկեղեցիներով եւ « թաղաւորավայել ասպարանքներով »։

— «Համբաւ վաճառականութեան Ջուղայեցւոյ, — կարդում ենք Յարութիւն Տէր-Յովհաննէանցի «Պատմութիւն Նոր-Ջուղայու» գրքի (Ա. հատոր) 157-158-րդ էջերում, — բազում տեղիս քաջայայտ է եւ հանդիսացեալ ըստ մեծութեան մասին։ Նա եղել աղբիւրն, որ զհարստութիւնս զետօրէն զեղեալ եմոյժ ի Ջուղա, որով ջուղայեցիք զբարձրակառոյց եւ զզեղեցկաչէն եկեղեցիս՝ եւ զթաղաւորավայել

պալատանիս եւ զապարանս կառուցանել մարթագան եւ եղեն ականաւորք ՚ի մէջ աշխարհիս»:

Նշենք եւ այն, որ խօջա հայ վաճառականների խանութները զարգարում են դըլ-խաւորապէս Նոր-Ջուղայի Նազարի կոչ-ւած անւանի պողոտան, ուր, նրանք իրենց առեւտրական կապիտալը շրջանառութեան մէջ դնելու նպատակով մշակում են նորա-նոր ծրագիրներ: Այդ փողոցում էլ կանգ են առնում նրանց ուղտերի եւ ջորիների ապրանքատար կարաւանները: Այս երե-ւոյթների մասին վկայում է նաեւ աշուղ Բաղէր օղլի Ղազարը: Ժամանակի Նոր-Ջուղայեցի խօջա հայ վաճառականների եւ Նազարի կոչւած յայտնի պողոտայի պատ-կերն իր մի երգում նա գծում է այսպէս.

«Ռասայ⁴ խէրէվան⁵ երկու տեղ մէյդան⁶,
Դուքանն փափի⁷ ա՛, բազարն Զուղու.
Դուքանն փափի⁸ ա, մարդիկն սափաքով⁸,
Աղինինն նստոտած՝ ոսկէ սահաքով»:

Սակայն, միայն Նոր-Ջուղայում չէ, որ խօջա վաճառականները շահագործման մէջ են դնում իրենց ապրանքները: Նրանք շա-բաթը մի անգամ համախմբում են նաեւ Սպահանի Նախըջըհունու պանդոկը եւ վաճառում իրենց իրերը: Բնորոշ է եւ այն, որ Նոր-Ջուղայեցի խոջոր կապիտալիստ խօջաներից իւրաքանչիւրն ունենում է 20 - 27 ստորադրեալ վաճառական: Նոյնպէս նրանք կազմում են առեւտրական ընկերու-թիւններ եւ շահագործման մէջ դնում ի-րենց զբաղակալները: Անգամ տոկոսով փող են տալիս՝ 100-700 թուման, եւ շա-հագործում մանր վաճառականներին, ա-ռեւտրականներին ու փերեզակներին:

Սակայն, Նոր-Ջուղայեցի աղա վաճա-ռականները միայն իրանում չէ, որ անում են տնտեսական նւաճումներ եւ զարկ տա-լիս իրենց առեւտրական կապիտալին: Նոր

շուկաներ նւաճելու մտքով տողորւած՝ նը-րանք իրենց հայեացքներն ուղղում են դէպի հեռաւոր հորիզոններ: Պարսկա-տանից անցնում են Եւրոպայի եւ Ասիայի գլխաւոր քաղաքները — Պարիզ, Վենետիկ, Ամստերդամ, Լիւով (Լեմբերգ), Մոսկա, Թիֆլիս եւ այլ վայրեր: Անգամ անսահ-ման տարածութիւններ կտրելով՝ շրջում են Հնդկաստանի եւ Զաւայի այն ժամա-նակաւ առեւտրական խոջոր կենտրոննե-րը — Մադրաս, Կալկաթա, Դաքքա, Սու-րաթ, Բաթաւիա, Սուրբայեա, Ամարանդ, Ռանդուն եւ այլ տեղեր, եւ նշանակալից դեր կատարում միջազգային առեւտրական կապիտալի զարգացման գործում: Այդ հանգամանքը վկայում է նաեւ պատմագիր Տէր-Յովհաննէանցն իր «Պատմութիւն Նոր Ջուղայու» Ա. գրքի 159-րդ էջում այս-պէս.

«Բազուկ վաճառականութեանն Զուղա-յեցոց ձգեցաւ ընդ ամենայն աշխարհ, այլ առաւելապէս ՚ի Ռուսաստանի եւ ՚ի Հնդկ-կաստանի սահմանս»:

Ահա Նոր-Ջուղայեցի այս երեւելի վա-ճառականների մասին սեղմ, բայց թան-կալին տեղեկութիւն տալիս է նաեւ աշուղ Բաղէր օղլին: Իր մի տաղում նա երգում է այսպէս.

«Յարեւել, յարեւուս եւ ֆոյն⁹ ծէրվըծէր¹⁰ ա,
Բանի ա չորս կողմն սովդագարն¹¹ Զուղու.
Զորս կողմից դուս գայ ուրէնց նուէրն,
Կուշտացնին անկեալ, ֆոն ու կաղէրն»:

Աշուղի այս քառեակից էլ երեւում է, որ նա, որպէս ժամանակակից եւ ականա-տես Նոր-Ջուղայի տնտեսական վերելքին, եղել է մեծահարուստ խօջա վաճառական-ների հոյակապ ապրանքներում, նւաղել է ու երգել նրանց խնջոյքներում: Այդ մա-սին է վկայում նրա մի երգի հետեւեալ երկտողը.

(9) Բովանդակ: - (10) Մայրից ծայր: -
(11) Վաճառական:

«Ընթգար(12) ան, նստեն դօստ(13) ու մէհմա-նով(14),
Գիւնի ածեն խմեն, հաղիպա(15) բանով»:

Մնում է պարզել, թէ Նոր-Ջուղայեցի հարուստ հայ վաճառականներն իրանից ինչպիսի՞ հում ապրանքներ են արտահա-նում դէպի Հնդկաստան, Ռուսաստան, Եւ-րոպա եւ ո՞րն է նրանց շահագործման հիմ-նական աղբիւրը: — Փաստական տեւալնե-րից երեւում է, որ Նոր-Ջուղայեցի ակա-նաւոր վաճառականներն զբաղւում են դըլ-խաւորապէս մետաքսի, թանկագին դո-հարների առեւտրով: Այս մասին առաջ բերենք Նոր-Ջուղայի պատմագրի հետեւ-եալ տողերը.

«Սկսեալ ՚ի 1626 ամէ ց1723 ամն հայք Զուղայու կատարէին զառեւտուրս խամ մետաքսիւք թանկագին գոհարօք մարդար-տօք՝ եւ ձեռագործօք այլ եւ այլ ապրա-նաց Պարսկաստանայ եւ Հնդկաստանի՝ ՚ի տէրութեանն Ռուսաստանի» (էջ 176):

Աշուղ Բաղէր օղլին եւս թողել է երկու տող փաստաթուղթ, ուր նա տալիս է Նոր Ջուղայեցի խօջա վաճառականների բնորոշ յատկութիւններից մի քանի գծեր: Ահա նրա վկայութիւնը.

«Ողջ(16) սահաք(17) շիւր(18) ան, ջուխայի(19)
շնաս(20),
Գոված ա սմարն(21), սսնաֆն(22) Զուղու»:

Նոր-Ջուղայեցի խօջա հայ վաճառական-ների արտահանած ապսպրանքների պատ-կերը տեսնում ենք նաեւ Տէր-Յովհաննէան-ցի «Պատմութիւն Նոր-Ջուղայու» գրքի 165-րդ էջում:

«Վաճառք նոցա եղեալ են, — գրում է պատմագիրը, — ըստ ամենայն նիւթոց իւրաքանչիւր վաճառատեղի քաղաքաց, իսկ երեւելի վաճառականք ըստ մեծի մա-սին պարապեալ են ՚ի տուրեւառութիւն մարդարտի՝ մետաքսի՝ աղնիւ ցփսեաց եւ գոհարեղինաց»:

(12) Անկեալ, կարօտ: - (13) Սիրելի: -
(14) Հիւր: - (15) ձգմարտ:

Ուշագրաւ է եւ այն, որ Նոր-Ջուղայեցի յայտնի վաճառականներն զբաղւում են նաեւ 159 գրատ կշիռ ունեցող թանկագին եւ հազուադէպ գոհարի առեւտրով: Այդ խօջա վաճառականներից յայտնի են Յովհաննէս Աղուխանեանն ու Սիմէօնը, որոնք գործում են գլխաւորապէս Սուրա-թում: Դարաշրջանի առեւտրական-տնտե-սական պատմութեան մէջ դա մի բացա-ռիկ երեւոյթ է:

Բնորոշ է մի այլ հանգամանք: Նոր - Ջուղայեցի հայ վաճառականները գոհա-րեղէնի առեւտրով այնքան են հարստա-նում, որ խօջա Զաքարիա Սարհաղեանը, ընկերութեան կողմից, 1660 թւին ռուսաց Ալէքսի Միխայելովիչ կայսրին նւիրում է աղամանդաղար թագաւորական մի ա - թոռ: Այդ եւ վկայում «Բագմալէպ»-ի 1843 թւականի Թ. 2-ի էջերը, ուր կար-գում ենք հետեւեալը.

«Ռուսաց Ալէքս թագաւորին օրերը 1659 -ին Ասպահանցի հայ վաճառականներէն Զաքար Սարհատեան անունով մէկը, որ պարսից փոխարքային ալ գործակալն է եղեր, ծովով Աթաթիխան կու դայ, անկէց ալ 1660ին թագաւորական հրամանով Մոս-կուա քաղաքն կը հասնի ինը ընկերով: Ա-սիկա թագաւորին ընծայ կը բերէ մէկ պը-ղընձի վերայ քաչւած պատկեր մը. Քրիս-տոսի ընթրիքն, մէկ ոսկիէ մատնի, այլ եւ այլ սուղ բաժակներ, աղնիւ ըմպելիք-ներ ու անուշահոտ նիւթեր, բայց ամենէն երեւելի ընծան եղած է թագաւորական ա-թոռը, որ Զաքարին հայրը շինել է եղեր: Ասոր շատ տեղը ոսկի է ու վրան մեծ ու պզտի 876 աղամանդ կայ, 1 լալ, 1223 յակինթ մանր ու խոջոր, երեք կարգ մար-գարիտներով ձեւացուցած հրեշտակներ: Այն ատենի վաճառականները անոնց ամե-նու գինը կտրեր են 24,443 ռուբլի»:

(4) Ուղիղ, ուղաղիծ: - (5) Ճանապարհ, պո-ղոտայ: - (6) Հրապարակ: - (7) Յատակ, մա-քուր: - (8) Բարեջորհ:

(16) Ամբողջ: - (17) Տէր: - (18) Հանճարա-միտ, շնորհալի: - (19) Գոհարեղէն: - (20) Ճա-նաչող: - (21) Կրպակատէր: (22) Արհեստաւոր:

Ինչո՞ւ Նոր-Ձուղայեցի մեծահարուստ հայ վաճառականները թանկագին նւերներ են տանում ուսաց կայսրին, ի՞նչ էր այդ ներատուութեանց նպատակը: — Որպէսզի խօջաների առջեւ բացւին ցարական Ռուսաստանի առեւտրական դռները, որպէսզի կայսրը եւս արտօնութիւն տայ նրանց Ռուսաստանում ազատ առեւտուր անելու: Եւ նրանք իրենց տարած թանկագին նւերներով ստանում են այդ իրաւունքը: Նրանց շնորհիւ էլ դեռ 1626 թւականին Ռուսաստան առաջին անգամ մուտք է գործում մետաքսի կուլտուրան, իսկ 1667 թւի Մայիս 31-ին Ալեքսանդր Միխայելովիչ կայսրըն առանձին հրովարտելով իրաւունք է տալիս Նոր-Ձուղայեցի երկու վաճառականների՝ Ստեփան Մովսիսեանին եւ Գրիգոր Կուսիկեանին առանց մաքսի Ռուսաստան մետաքս բերելու եւ վաճառելու: Նոյն երեւոյթը տեսնում ենք նաեւ Պետրոս առաջին կայսեր շրջանում: 1723 թւականին նա Նոր-Ձուղայեցի հայ վաճառականներին Ռուսաստանում ազատ առեւտուր անելու իրաւունք է տալիս: Դարձեալ Նոր-Ձուղայեցի խօջա վաճառականներն են, որ Ռուսաստանում ամուր պատանդանի վերայ են դնում չուխայի արդիւնաբերութիւնը, որի փայլուն ներկայացուցիչը հանդիսանում է մի խոշոր կապիտալիստ: Դա Նոր-Ձուղայեցի Աւետ Կորոսեանն է: Նախաձեռնող, գործունեայ այս խօջան Պետրոս երկրորդ կայսրից առանձին հրովարտելով իրաւունք է ստանում Ռուսաստանում զբաղւելու արդիւնաբերական տրնտեսութեամբ: Այդ նպատակով էլ նա Աստորախանում հիմնում է չուխայի մի մեծ գործարան:

Կանգնած ենք ԺԸ դարի կիսում: Այդ շրջանում եւս հրապարակ է դալիս Նոր-Ձուղայեցի մի այլ խօջա վաճառական: Դա Իգնատիոս Շէհրիմանեանն է: Այդ մեծ գործատէրը Ռուսաստանում ազատ առեւտուր անելու համար 1756 թւին Մեծ Պետրոս կայսրից հրովարտակ ստանալով

Մոսկւայում կառուցել է տալիս մետաքսի եւ չուխայի մի գործարան, որն իր արտադրութեամբ ուրոյն տեղ է գրաւում Ռուսաստանի իր ժամանակի արդիւնաբերական կուլտուրայի պատմութեան մէջ եւ ընդգծում խօջա վաճառականի ձեռներէց ու կերտող պայծառ դիմադիժը:

Ռուսաստանի կերպասի եւ կտաւի, նոյնիսկ երկաթի ու չուգունի արդիւնաբերութեան պատմութեան էջերում եւս տեսնում ենք Նոր-Ձուղայեցի նախաձեռնող եւ գործունեայ հայ վաճառականների նկարները: Ահա դրանցից խոշոր գործատէր եւ իշխանապետ Եղիազարը, որ Մոսկւայում իր հիմնած գործարանով զարկ է տալիս կերպասի եւ կտաւի արդիւնաբերութեանը, իսկ նրա անդրանիկ որդին՝ վեհազն Յովհաննէսը, Փերմ նահանգում կառուցում է երկաթի եւ չուգունի չորս գործարան:

Ընդգծենք նաեւ, որ անսպառ եռանդով եւ աննկուն ոգով օժտւած Նոր-Ձուղայեցի վաճառականները յաղթահարելով ժամանակի ճանապարհորդական դժւարութիւնները, չրջում են նաեւ Հնդկաստանի առեւտրական մեծ նշանակութիւն ունեցող վաճառահաճ եւ բազմամարդ խոշոր քաղաքները, անցնում են Բոմբէյ, Կալկաթա, Սուրաթ, Մադրաս, Չիչրա, Դաքա, Սէյդաբադ, Սինկափուր, Քարջ, Պինանք եւ իրենց կապիտալով զարկ տալիս երկրի տնտեսական կեանքին, առանձնապէս առեւտրական ու արդիւնաբերական կապիտալին: Այդ երեւոյթի մի ցայտուն պատկերը տեսնում ենք Սէյդաբադում, ուր հռչակւում է Նոր-Ձուղայեցի Վահան եւ Ստեփանիոս Վարդանեանների հիմնած լեզակի եւ մետաքսի գործարանը:

ԺԸ դարի Ձաւայի արդիւնաբերութեան պատմութեան մէջ եւս Նոր - Ձուղայեցի խօջա վաճառականները հրապարակ են դալիս: Նրանք գործում են երեք բազմամարդ գլխաւոր կենտրոններում — Բաթաւիա, Սուրբայիա եւ Սմարանդ: Հեռաւոր այդ վայրերում նրանք իրենց կապիտալով

ո՛չ միայն առաջնակարգ դերք են դրած — եւս հասնում բարձր զարգացման, այլ եւ լաւագոյն հիմքերի վրայ դնում երկրի արդիւնաբերական կուլտուրան: Այդ գծով էլ նրանք նպաստում են միջազգային արտադրութեանը: Դրանցից նշենք Ղազար Յովհանեանի եւ Գալստան Մարտիրոս — եանի անունները: Նոր - Ձուղայեցի այդ խօջաները Սուրբայիայում հռչակւում են իրենց շաքարի գործարաններով: Ահա եւ Գէորգ Մանուկեանի դիմանկարը (1764 - 1827), մէկը Նոր-Ձուղայեցի ժրջան եւ հմուտ ա՛յն վաճառականներից, որ առանձնապէս փայլում է Բաթաւիայի առեւտրական կապիտալի ասպարիզում եւ իր մահից յետոյ ժառանգութիւն թողնում երկու միլիոն դրլը:

Բնորոշ է եւ այն, որ փարթամութեան մէջ ապրող այդ խօջանները Նոր-Ձուղայում իրենց գեղեցիկ եւ փառահեղ տների պատերը նկարազարդել են տալիս գեղարւեստական նկարներով, որոնցից շատերը մինչեւ օրս էլ դեռ իշխում են պատերի եւ առաստաղների վրայ: Դրանք նկարչական արւեստի բաւական նուրբ գործեր են եւ ցոյց են տալիս ժամանակաշրջանի տաղանդաւոր նկարիչների ոճն ու դպրոցը:

ԺԸ ԴԱՐԻ ՔԱՂԱՔԱԿԱՆ ԱՆՑԻՔՐԸ

Նոր-Ձուղայի խօջա հայ վաճառականների առեւտրական-տնտեսական վերելքի թափը, սակայն, կանգ է առնում ԺԸ դարի 30-ական թւականներին: Այդպէս են ստիպում պատմաշրջանի քաղաքական մոռյլ դէպքերը: Եւ ահա փոթորկում է մի ամբողջ ժողովրդի հասարակական խաղաղ կեանքը: Դա Նադիր - Շահի թագաւորութեան ժամանակաշրջանն է, որի ընթացքում պարսկահայերը, գլխաւորապէս Նոր Ձուղայի հայերն, ապրում են քաղաքական շատ ծանր օրեր: Ուսումնասիրէք այդ շրջանի իշխողների ուղղական արշաւանքների պատմութիւնը եւ այնտեղ պիտի գտնուէք



նէք ժողովրդի տանջանքները նկարող շատ յուզիչ տեսարաններ: Ահա քաղաքական այդ մոռյլ շրջանի պատկերն իր ոտանաւորներով արձանագրել է նաեւ աշուղ Բաղէր օղլի Ղազարը: Այդ երգերից առանձնապէս նշանաւոր են երկու տաղերը — «Խաղ վասն հարստահարութեան Նադիր Շահի» եւ «Խաղ վասն նեղութեան Ձուղայում», որոնց մէջ աշուղը նկարագրում է ԺԸ դարի առաջին կիսում ապրող Ձուղահայ ժողովրդի դառն կեանքը: Նա չի կարողանում լուռ եւ անմիջապէս նայել, երբ պատմաշրջանի բռնակալներն անխիղճ կերպով շահագործում են ժողովրդին, երբ դառնացնում են նրա կեանքը: Երգել է նա գլխաւորապէս բռնակալ Նադիր - Շահի ձեռքից ժողովրդի քաջած անուր ցաւերն ու տառապանքները, երգել է այն անասելի

հարստահարութիւններն ու բռնութիւններն, որոնց մէջ նա ապրել է եւ ակնատես եղել: Ասենք, ուրեմն, մի քանի խօսք այդ շրջանի քաղաքական դէպքերի ձեւակերպման մասին:

Դա այն ժամանակաշրջանն էր, երբ Պարսկա-Օսմանեան եւ աղանական կռիւները Պարսկաստանում անպակաս էին եւ որոնց հետեւանքով երկիրը քաղաքականապէս թուլացել էր: Հարկաւոր էր մի զօրեղ ձեռք, մի աննկուն ուղի, որ վերականգնէր ընկած Պարսկաստանը: Եւ ահա ասպարէզ է գալիս Պարսից պատմութեան մէջ մի նոր զօրադուլ, որ շնորհիւ իր զինուորական եւ ռազմական ընդունակութեան ու ճկունութեան՝ կարողանում է Իրանի քաղաքական դրութիւնը բարեփոխել եւ հաստատուն հիմքերի վրայ դնել պետական նոր շէնքը: Դա Նադիր (Թահ-մադ) - Ղուլի խանն էր: Ո՞վ էր նա, ի՞նչ ծագում ունէր: Մի հասարակ աւազակապետ էր դա, որ ասպատակութիւններ էր դործում Պարսից անապատներում: Բայց նա չուտով թողնում է աւազակի արհեստը, ծառայութեան մտնում Շահ-Թահ-մադի մօտ եւ կարճ ժամանակում զօրապետ, ապա ընդհանուր սպարապետ դառնում: Ահա այդ շրջանում էլ նա դաւադրութիւն է սարքում Շահ - Թահ-մադի կեանքի դէմ եւ նրան սպանել տալիս: Նոյնպէս մանուկ շահ Աբբասը դայեակների ձեռքում կեանքից զրկում: Այնուհետեւ, 1736 թվականի ձմեռը, Նադիրի հրամանով Մուղանի դաշտը հաւաքում են Պարսկաստանի բոլոր աւազանիները՝ իշխանները, գաւառապետները եւ կուսակալները: Կանչւում է նաեւ Աբրահամ կաթողիկոսը: Գալիս են նոյնպէս Արարատեան երկրի, Նախիջևանի եւ այլ վայրերի հայ մելիքները: Եւ ահա Իրանի թագաւոր է ընտրւում հէնց ինքը՝ Նադիրը: Մարտ 10-ին, պարսկական մեծ տօնի՝ Նովրուզ-Բայրամի օրը, Նադիրը հանդիսաւոր կերպով թագադրւում է եւ կոչւում Նադիր - Շահ:

Թուրք կապում է Աբրահամ կաթողիկոսը: Այդ օրից էլ վերջանում է անֆէվիւնների թագաւորութիւնը եւ սկիզբ դրւում Աֆ - շարների հարստութեանը:

Բազմելով թագաւորական դահլի վրայ, Նադիրը, իբրեւ սիւննի, միացնում է Պարսկաստանի շիա եւ սիւննի դաւանութիւնները, որպէսզի միանգամայն վերջ տայ նրանց մէջ եղած բոլոր խտրութիւններին եւ կրօնական ներքին երկպառակութիւններին: Այնուհետեւ անցնում է դէնքի գլուխ եւ շուտով փայլում իր ռազմական եւ նաւահանական յաղթանակներով: Նա Իրանը մաքրում է նախ աւազաններից եւ յաղթում է ու ճնշում օսմանցիների ոյթը, ապա նոյն 1736 թվականին Սպահանից դրնում է Ղանդահար, այնտեղից յարձակւում Հնդկաստանի վրայ եւ մեծամեծ դուրսերով, 70 քրօր ոււրով, 1739 թվականին, վերադառնում է Իրան: Ուղիղ 7 տարի անց, 1746 թվին, նա նորից իր սուլթան դարձնում է օսմանցիների դէմ եւ բոլորովին նրանց յետ մղում, որով Հայաստանի արեւելեան մասը, մինչեւ Երեւան ու Նախիջևան դարձեալ անցնում է պարսիկների ձեռքը:

Սակայն, Պարսկաստանի ազգաբնակչութեան որոշ մասը, մանաւանդ ջուղահայերը, մեծապէս տուժում են Նադիր-Շահի թագաւորութիւնից: Շիրազում նա կոտորել է տալիս իր իշխանութեան չենթարկողներին եւ նրանց գանկերից բուրգեր կանգնեցնում, իսկ Մեշէդում կուրացնել է տալիս ասպատամբների աչքերը: Սարսա - փահար ժողովուրդը խմբերով փախչում է օտար երկիրներ:

Նադիրն անասելի անդթութիւններ է դործում նաեւ Նոր-Ջուղայում: Նա ծրագրում է զինուորական ծախքերը ձեռք բերել Նոր-Ջուղայի հարուստ հայերից: Այդ նպատակով նա հարկերով ծանրաբեռնում է ժողովուրդին: Իւրաքանչիւր տարի Նոր Ջուղայից պահանջում է տասը հազար թուաման փող: Այդ գումարը հաւաքելու գործը

յանձնում է իր արքունիքի դիւանի Փարաշներին, որոնք շրջելով ջուղայցիների տները, դանազան ճնշումներ են գործադրում եւ սարսափ ազդում: Նման ծրագրով Նադիրը, 1739-1747 թվականը, Նոր-Ջուղայի հասարակութեան տարբեր խաւերից առնում է 45,000 թուման փող: Սակայն, այդ չէ բոլորը: 1745 թվին նա, իբրեւ քմահաճ տուգանք, պահանջում է Նոր-Ջուղայից 60,500 թուման կանխիկ գումար: Այդ ծրագրին իրադործելու պատասխանատուութիւնը յանձնում է իր աթոռապետ Մահ-մադ-Ռիզա-Բէկին: Դաժան եւ ազահ բռնակալն անցնում է Նոր-Ջուղա եւ հասարակ ժողովրդին անասանելի հարստահարութեան ենթարկելով՝ առնում է 37,000 թուման: Այնուհետեւ իր ամբողջ կատաղութիւնը թափում է Նոր-Ջուղայցի իշխանների եւ խօջա վաճառականների վրայ, որոնցից ոմանք հարկապահանջների բռնութեան եւ հարստահարութեան չղիմանալով՝ փախչում են եւ ասպատանում լեռներում: Շատերն էլ ուխտադնացութեան կամ վաճառականութեան պատրւակով՝ խոյս են տալիս օտար երկիրներ, դէպի Հնդկաստան կամ Տաճկաստան^(*): Սակայն, պատկերն աւելի յուզիչ է Նոր-Ջուղայից փախչող հայ իշխանների ընտանիքներում: Թագաւորի Փարաշներն ու ծառաները մտնում են իշխանների տները, բռնում նրանց կանանց եւ խորանում նրանց ստինքները, որդիներին էլ խոշտանգում, որպէսզի ցոյց տան իրենց ամուսինների թաղցրած փողերի տեղը: Էլ աւելի սոսկալի պատկեր է ստեղծւում, երբ բռնում են փախչող իշխանները: Դաժան Փարաշները նրանց սաստիկ ձեռքում են, ձեռքերի եւ ոտքերի եղունգների մէջ սրածայր եղէգներ մխում կամ յարդի ծխով չնչասպառ անում: Ահա նման սոսկալի

տանջանքներով, մի ամսւայ ընթացքում, հայ իշխաններից առնում են 23,500 թուման կանխիկ փող:

Այս հարստահարութիւնների հետեւանքն այն է լինում, որ ժողովուրդը քայքայւում է տնտեսապէս եւ մի զարհուրելի սով է ընկնում Նոր-Ջուղայում, որի հետեւանքով շատերը թողնում են Նոր-Ջուղան եւ գաղթում դէպի Ռուսաստան, Հնդկաստան եւ այլ վայրեր:

Սակայն, Նադիր - Շահի թագաւորութիւնն երկար չի տևում: Մահմադ-Սալահ Բէկը եւ չորս զինուորական պաշտօնեաներ ղաղադրութիւն են կազմում նրա կեանքի դէմ: Նրանք զիջելով մտնում են թագաւորի վրանը եւ կտրում նրա գլուխը:

Պատմական երգեր: Ահա ժամանակակից այդ յուզիչ դէպքերի պատկերն է, որ տալիս է մեզ Բադէր օղլին իր երկու ոտանաւորով, որոնց մէջ նա սրտի դառն կսկիծով եւ բողբոջ բուռն զգացմունքով նկարագրում է Նադիր-Շահի հարստահարութիւններն ու ճնշումները:

«Աստուած, դու մեզ մի նար արա,
Շահը քամամ աշխարհ ա ուզում.
Երկիր քանդում վարայ-վարայ,
Ողջ զգար - զգար ա ուզում:
Դգար ա դրա մաքլաբն,
Քաշում ա աստղերի խաբն»:

Այսպէս՝ աշուղը դիմում է Աստծուն եւ մի «ճար» խնդրում, բռնակալ Նադիր-Շահից ազատելու համար, որը ցանկանում է տիրել ամբողջ աշխարհին եւ այդ նպատակով «վարայ-վարայ» երկիր է քանդում ու՝

«Խուճալարին քարքանդ անում,
Արգ անդին սպանում.
Ամէն գեղից մի դուլ տանում,
Դլի մի նօքար ա ուզում»:

Կամ՝

«Բեալանքարներին բերում ա,
Թոռ ու չոր մի տեղ երում ա»:

Այս տեսակ անտանելի բռնութիւնների կամ հարստահարութիւնների հետեւանքով՝ երկրում ընկնում է անասելի թան-

(*) Տե՛ս «Պատմութիւն Նադիր-Շահի» հանդէս, 1793, Լոնդոն:

գույքներն եւ ժողովուրդն այլեւս «սուլուկ» է ուտում, որով մեռնում են շատերը, բայց ո'չ տէրտէր կայ, ո'չ էլ «մուղղտի», որ թաղէ մեռելներին, բոլորն էլ փախել են եւ թաղնակել, իսկ մահացողներին չենք են ուտում:

«Սուլուկ կերանք, ընդուր մեր շունչ պարզեց, Շատնեմ մեռան՝ շներն կերան, չքաղվեց. Տէրտէրանին փախան՝ մուղղտին գաղվեց, Դատ կանչեց Գարբիէլ, Մուսէլ հրեշտակն»:

Այնուհետեւ աշուղը պատմում է Նաղիբ Շահի սպանութիւնը եւ նկարագրում Նոր Զուղայի դրութիւնը:

«Նաղի-Շահին սպանեցին՝ Ասացինք. վերացաւ աշխարհիս չարքն. Նոր Աղէլ շահ անուանեցին՝ Ասացին՝ դնջվեց էս աշխարհն: Շունչ ու մափարն մեզինք վերացաւ, Ով շաղկամ բերեց, փող բաղաւ, Խացն ուրքն ապասի դարձաւ. — Բիստի գազարքն»:

Այս պատմական ոտանավորները ԺԸ դարի Պարսկաստանի քաղաքական-տնտեսական անցքերը լուսարանող արժէքաւոր աղբիւրներ են, միաժամանակ կարեւոր վաւերագրեր Նոր — Զուղայի ժամանակակից պատմութիւնն ուսումնասիրելու համար: Ահա այդ աղբիւրից է, որ յետագայում օգտուել է նաեւ Յարութիւն Տէր-Յովհաննէսը իր «Պատմութիւն Նոր-Զուղայու» գիրքը գրելիս: Այդ տաղերն էլ նա լոյս է բնծայել իր գրքում հետեւեալ լուսարանութեամբ:

«Բաղէր օղլի երգիչ յերդ ողբերգութեան առնէ այնր ժամանակի զաղէտս Զուղայու, եւ կարդայ զգամբանական ողբերգս 'ի վերայ Նաղիբի, զոր հարկաւոր համարիմ 'ի կարգի պատմութեանս նշանակել»:

Խրատական-Բարոյական: Բաղէր օղլին թողել է նաեւ մի քանի խրատական-բարոյական երգեր, որոնք պարզ դադարաբեկ են տալիս նրա բարոյական աշխարհահայեցողութեան մասին: Աշուղն, իբրեւ բարե ծերունի, իբրեւ ճշմարիտ հաւատաւոր, խրատում է «Աղամորդուն» իր

Ստեղծողին միշտ միտ բերել, ժամ դնալ եւ աղօթել:

«Աղամայ որդի, քո Ստեղծողին միտք բեր, Գիշեր, ցերեկ փառքն տուր համիշայ. Փառք տուր Աստուծոյ, ասա՝ Հայր մեղա՛յ, Զոհի՛ր, ասա՝ Տէր ողորմեա՛, Տէր յիշեա՛, Տէր յիշեա՛ ասա՝ գնա ժամի դուռ, Որ յամենայն ժամանակ քեզ փոխել ելնի կուռ»:

Այնուհետեւ, ծերութեան օրերում, աշուղն աշխարհիս ունայնութիւնն ու մահն իր միտ բերելով՝ ջերմեւանդութեան է դիմում եւ ինքն իրեն խրատում:

«Ե՛կ, իմ անդադար սիրտ՝ քեզի տամ օգուտ, Գիշեր, ցերեկ քո փառքն տուր համիշայ. Փառք տո՛ւր Աստուծոյ, ա՛ն ողորմութիւնն, Դիւստ պահի՛ր քո շարք եղար խոնքն»:

Աշուղն իրենով ուրիշներին խրատելու նպատակով, իր սեփական իմաստութիւնից եւ փորձառութիւնից առաջ է բերում բազմաթիւ խրատական մտքեր եւ դատողութիւններ, այսպէս՝

«Զօռաքն մամարդին չի՛, տղամարդինն ա, Զունքի ինքն իւր եղար ու շարքին ա. Իմանողի քշտին խափաքն մին ա, Զը ծակես դանակով, չը տաս քաղաքով»:

Բաղէրն իր արտայայտած բարոյական — խրատական դադարաբերող յիշեցնում է միջնադարեան հայ տաղերգուների բարոյախօսութեան էութիւնը: Ահա մի այլ նըմուշ:

«Առանց համբերութեան դու բան մի՛ առել, Օտար ձեռքով քո նրազն մի՛ վառել. Նովփիսայ մարդի հետ սովտայ մի՛ առել, Եթէ քաղցած մնաս օրով, շաքարով»:

Սիրային: Բաղէրի միւս երգերը սիրային են եւ արեւելեան գովասանութիւններով լի: Այդ երգերից մէկի մէջ աշուղը վառ գոյներով նկարում է եարի չքնաղութիւնը եւ հեթանոսական պաշտամունքով փառաբանում նրա գեղն ու հրապոյրը: Նրա եարն ունի սիրուն երես, որ աշխարհիս չնորձն է, գեղեցիկ յօնքեր, որոնք աշուղի խելքը տանում են զլիւից, «արեւկական» աչքեր, որոնցից լուսինն է սասանում, սիրուն ծամ, որ հանում է ճանապարհը:

պարհից թէ՛ թուրքի եւ թէ՛ հայի, վերջապէս, վարդահամ «քրտունքներ», որոնք անմահական ջուր են: Ահա այդ բոլոր չնորձները, որ Աստուած պարգեւել է աշուղի եարին, դարձրել են նրան «հրե — ղէն», որի նմանը չկայ ո'չ «հողեղինում» եւ ո'չ էլ Մօսկոֆում, Շամում, Հալաբում, Թիֆլիսում ու Գիւլջաստանում:

«Աչքդ արեւակաւ, լուսնի սասանի, Լուսնակն շաւիղ տեսնի, փաս առի. Հողեղինում չկայ, որ քեզ խասանի, Հրեղէն ես, ամէն քեզ էր ետ Աստուած: Մօսկոֆ ու Մարդամ, Շամս եւ կամ Հալաբ, Թիֆլիս, Գիւլջաստան քայ չունիս մարլաբ. Գրտունքդ անմահական ջուր տեսմ գուլաբ, Դրախտի շօրն ամէն քեզ էր ետ Աստուած»:

Հայ միջնադարեան երգիչներից շատերը՝ Ղազար Սեբաստացի, Յովհաննէս Թըլ-կուրանցի, Գրիգորիս Աղթամարցի, Նա — հապետ Քուչակ, Նոյն պատկերներով եւ գոյներով դրւատել են իրենց եարերի գեղեցկութիւնը եւ նրանց նմանը չեն գտնում աշխարհիս երեսին: Համեմատութեան համար առաջ բերենք մի քանի նմուշներ:

«Երեսդ է կարմիր, քան զխաւս խնոք, Բերանդ է փոքրիկ, դնջիկդ է բոլոր. Դիւրան մազդ արեւ եւ վզիդ ոլոր, Քո սերդ արեւ զիս շուրջ մոլոր: Վա՛յ իմ անմահ, չկայ քեզ նման, Ո՛չ Խորասան, ո՛չ 'ի Հնդկաստան...»:

Այսպէս է գծում Ղազար Սեբաստացին իր եարի պատկերը: Նոյնպիսի վարպետ վրձինով նկարել է նաեւ Յովհաննէս Թըլ-կուրանցին: Ահա նրա սիրուն եարի նկարը:

«Ծով-ծով աչքի ու լուսնար, Ունքն կեռ էր քան զկամար. Ճակատն է լուս ու լուսնար, Բոլոր լուսին, շամս ու դամար»:

Ահա եւ Գրիգորիս Աղթամարցու եարի դիմագիծը:

«Շրթունքդ է շաքար, խօսունքդ դանդ է, Լեզդդ ի քերանդ, անգին ջուհար է. Դու ես արեւակ, լուսնի ի լման, Զկայ քեզ նման ի յագգս մարդկան»:

Որ Բաղէր օղլին իր եարի պատկերը վըր-ձինելիս աղղւել է այս բանաստեղծութիւններին, ո'չ մի կասկած չկայ:

Գեղեցիկ եարին սիրում է նա ջերմ, անսահման սիրով: Այդ սիրովը խելայեղ՝ նրա սիրտն այլեւս ո'չ մի տեղ հանգիստ չունի. եարի սէրը նրա մէջ յարուցանում է զանազան խոհեր եւ զգացումներ. նա ձգտում է անուշ եարի հետ գետափը դնալ «թամաշայի»:

«Ին օրն ինչ կելնի քեզ տեսնեմ բարով, Իմ սիրտն ու քո սիրտն մին շառք էղբանով, Դաս քէ գարդան անեմք, գուշայ քնարով, Թամաշայ երթանք գետափն, ինչ կելնի»:

Եւ այդ պատկերից աւելի մեծ երջանկութիւն չկայ աշուղի համար: Սակայն, եարը չի սիրում երգչին եւ նրան թողնում է օտար «ճարում» դարձնելու: Սիրակորոյս աշուղը համակած անհուն թախիծով դիւեր եւ ցերեկ տանջւում է սիրոյ կրակից, բայց վերջը նա անմեղ դանդաղներով դիմում է եարին, պատմում իր ցաւը եւ խնդրում, որ իրեն «խօհալ» անի:

«Էդ ինչ խաւսար ա իմ սիրելի եար, Թող մէկ օր խօշալ անես, ի՛նչ կելնի. Զուր յեփ դարձնար անես դարդամեղ, Դու գոս քո մօր կշտիցն, ի՛նչ կելնի»:

Անցնում է վեց օր, բայց եարը դարձեալ չի դալիս: Աշուղն այլեւս չի կարողանում դիմանալ եւ խելայեղ մահ է գալիս, որ սիրականին գտնի ու իմանայ նրա մտադրութիւնը:

«Գտանեմ, սիրտն իմանամ, Զրուց տամ, զօփքարն տեսնեմ. Զրուց, զօփքար շատացել ա, Սօր վեց օր ա գնացել ա»:

Վերջ ի վերջոյ աշուղը գնում է եարին տեսնելու. նրա սենեակն ամբողջ «մէջլիս» էր, իսկ «թաղն» ոսկէթուփ: Եարն երգչի ձեռքից բռնած՝ գնում է ծագիկներով եւ վարդերով զարդարած գեղեցիկ այգին:

«Զնոս բռնեց, տարաւ իգին, Գիւլ գիւլտան բաղն քամամ»:

Այսպիսով աշուղը հասնում է իր նպատակին: Այնուհետեւ, նա սիրուն հետ

նստած՝ քաղցր եւ պատկերաւոր լեզուով
զրոյց է տալիս:

«Ասի. երեսդ արեւակաւն ման ա,
Ասէց. աչքերս շամս ու դամար ա.
Ասի. մագերդ չո՛ւմ տէնց փէրիշան ա,
Ասէց. ե՛կ ոլորիք, ծամ արա՛ սիրոյն:
Ասի. նագուռ դիրքար, քո սէրն ինձ կ'սպանի,
Ասէց. չի սպանել, խելիդ կ'տանի»:

Երգիծական: Բաղէր օղլին թողել է նաեւ
երգիծական մի քանի ոտանաւորներ, ու-
րոնցից մէկի մէջ նա կատակելով խօսում
է Բաբանեց ջհուգների մասին:

«Ելս տեսէք, ինձ ինչ արարին
Լանգ Բաբանեց ջհուգներն.
Ինձ տարան տունն հալով,
Բանացուն դալմաղալով.
Անխաց դուս արարին լալով,
Լանգ Բաբանեց ջհուգներն»:

Միւս ոտանաւորը հակադրութիւն է, ուր
աշուղը մի շարք այլաբանական մտքերով
քննադատում է իր ժամանակակից տիպե-
րին:

«Խալալ խէր խոյ չեմ, քէ հարախէդ գրկեմ,
Մգամ ես քարաշ ամ, քո կապէն ներկեմ.
Սովդագար ամ, կուգե՞ս առտերդ քրեմ,
Խառատ խոյ չեմ, քէ գոմ նրաք վառեմ,
Փալվան խոյ չեմ, քէ գոմ նրաք վառեմ,
Մգար ես քոջայ եմ, որ պաշտում առեմ.
Դալաք ամ, կուգե՞ս արախէդ կարեմ,
Հալաք խոյ չեմ, որ ես դուդ ծախեմ»:

Ահա մեծ մասամբ այն ամէնը, ինչ որ
հասել է մեզ աշուղի քնարից:

Լեզուն: Բաղէրի երգերը գրւած են Նոր
Ձուղայի բարբառով, որոնց մէջ, սա -
կայն, կան բաղմաթիւ թուրքերէն բառեր,
որոնք յաճախ վնասում են ոտանաւորների
գեղարւեստականութեանը: Բայց չնայած
դրան՝ Նոր-Ձուղայի ինքնատիպ բարբառը
հետազօտելու տեսակէտից այդ երգերի լե-
զուն արժանի է ուշադրութեան:

Ընդհանուր հայեացք: Աշուղ Բաղէր օղ-
լին ԺԸ դարի մինչեւ առաջին կէսն ապրող
լաւագոյն աշուղներից մէկն է, որ իր սա-
ղով եւ երգերի մօտիւններով ժողովրդի մէջ
վառ է պահել աշուղութեան սէրը, միա-
ժամանակ դարձաբեր է հայ դուստնական
գրականութիւնն ու արւեստը: Նա իր մը-

տաւոր մակարդակով աւելի բարձր կանգ-
նած լինելով իրեն շրջապատող հասարա-
կութիւնից, իր երգերով ու աշուղական նը-
ւագով որոշ ազդեցութիւն է ունեցել ժա-
մանակակիցների հոգեկան աշխարհի վրայ
եւ կարողացել է յարգանք ու պատիւ ձեռք
բերել:

Իրրեւ ստեղծագործող աշուղ, նա իր քը-
նարի լարերի վրայ հնչեցրել է բաղմերանդ
մօտիւններ: Երգել է իր անհատական յոյ-
զերն ու ապրումները, երգել է իր սիրած
կոյսի սէրն ու գեղեցկութիւնը: Այդ եր-
գերի մէջ նա դտարիւն լիբիկ-աշուղ է:
Բայց նա չի ապրել միայն իր անձնական
եսով, չի դժել միայն իր կեանքի եւ սիրոյ
պատմութիւնը: Իրրեւ զգայուն եւ ժողո-
վրդասէր մի աշուղ, արծարծել է նաեւ
բարոյական հայեացքներ ու մտքեր, քըն-
նադատել է իր ժամանակակիցների բացա-
սական գծերը, հարւածել է նրանց պակա-
սութիւններն ու թերութիւնները եւ, որ
էական է, երգել է ժողովրդի վիշտն ու
ցաւերը: Այն ժամանակ, երբ պատմաշըր-
ջանի իշխողները տանջել են ժողովրդին,
նա լուռ ու անտարբեր չի մնացել, այլ ապ-
րել է նրա ցաւերով եւ նրան նւիրել իր
երգերը: Գլխաւորապէս նկարել է ԺԸ դա-
րում ապրող Նոր-Ձուղայի հայ հասարա-
կութեան կրած անասելի տանջանքների
պատկերը: Նա հարադատութեամբ նկա-
րագրել է դարաշրջանի այն բոլոր յուզիչ
ու մոռաց զէպքերը, որոնց ակնհասեա է
եղել:

Այդ երգերի ուսումնասիրութեամբ այս-
օր պարզ դադարւար ենք կազմում ԺԸ դարի
մինչեւ առաջին կէսն ապրող Նոր-Ձու-
ղայի հայ ժողովրդի փոթորկալից կեանքի
եւ քաղաքական մոռաց անցքերի մասին:
Այդ երեւոյթներով էլ բնորոշում է աշուղ
Բաղէր օղլու Ղաղարի աշուղական դոր -
ծունէութեան եւ երգերի հասարակական
նշանակութիւնը:

ՃՇՏՈՒՄՆԵՐ

Ամերիկայում (Բոստոնում) լոյս տես-
նող «Հայրենիք» ամսագրի 1933 թվի 7 հա-
մարում, բնիկ Նոր-Ձուղայիցի Պ. Արա-
մայիս Ալլահվէրդեանը «Աշուղ Բաղէր օղ-
լին» խորագրով մի յօդւած է ստորագրել,
ուր նա պարզել է հետեւեալ սխալ տեսա-
կէտը:

Սրանով ուղղում ենք փորձել եւ պատ-
մական տեւալներով հաստատել, որ մօտա-
ւորապէս 230-40 տարի առաջ Նոր-Ձու-
ղայում ապրող Բաղէր օղլին եղել է ամե-
նաառաջին հայ աշուղը, որից մօտ 20-ի
չափ երգեր են հասել մեր ձեռքը (էջ
115)»:

Նոյն անձիւն միտքը նա կրկնել է նաեւ
ամսագրի 119-120-րդ էջերում, այն էլ
այսպիսի ընդգծւած տողերով:

«Պարզում է, ուրեմն, որ ամենաառա-
ջին հայ աշուղը, որից 18-ի չափ դրաւոր
երգեր են հասել մեզ ԺԸ դարի վերջերում
ծնւած եւ հաւանօրէն մինչեւ յաջորդ դարի
կիսերն ապրած հալալ Ղաղարն է եղել՝
Բաղէր օղլին»:

Ո՞վ ասաց, որ արեւել է գրւած, ի՞նչ
փաստ կայ, որ ամենաառաջին հայ աշուղը
Բաղէր օղլին է: Ալլահվէրդեանի այդ կրտ-
րուկ եւ վճռական կարծիքը թիւրիմացու-
թիւն է եւ պատմական անճշտութիւն:
Փաստն այն է, որ ամենաառաջին հայ ա-
շուղը Բաղէր օղլին չէ, որովհետեւ Նոր-
Ձուղայիցի այդ երգչից շատ առաջ թէ՛
Հայաստանում եւ թէ՛ Տաճկաստանում
հրապարակ են եկել մի շարք աշուղներ,
որոնք ժողովրդի մէջ հնչեցրել են աշու-
ղական սաղն ու երգերը: Դրանցից առ-

այժմ յիշատակենք միայն Հաղարան օղլի
աշուղին, որ երգեր է յօրինել եւ աշուղա-
կան սաղն հնչեցրել է Բաղէր օղլուց ա-
ռաջ, դեռ 1570 թվականին:

Նոյնպէս անպատասխանատու յայտարա-
րութիւն եւ սխալ պիտի համարել Պ. Արա-
մայիս Ալլահվէրդեանի հետեւեալ կար -
ծիքը:

«Բաղէր օղլին բռնում է առաջին տեղը
ջուղահայ ամենահին աշուղների մէջ (Հայ-
րենիք 1933 տ. թ. 7, էջ 114)»:

Եթէ Պ. Ալլահվէրդեանը բարեհաճի գէթ
մի անգամ շրջել Նոր-Ձուղայի հայոց դե-
րեզմանատունը եւ աչքէ անցկացնել հին
տապանաքարերը, այնտեղ պիտի հանդիպի
Բաղէր օղլուց առաջ մահացած աշուղների:
Դրանցից նշենք միայն Մարգարիմ, որի
տապանաքարի վրայ քանդակւած է աշուղի
նկարը, որ ծալապատիկ նստած՝ նւագում
է չօնգուրի վրայ, իսկ քարի ցածի մասում
փորագրւած է:

Տապան արմ. Մարգար է.
ԲՎ. ՌՃԱ. (1101+551=1652):

Այս արձանագրութիւնն էլ հերքում է
Պ. Արամայիս Ալլահվէրդեանի այն կրտ-
րուկ եւ սխալ տեսակէտը, թէ Բաղէր օղ-
լին է բռնում առաջին տեղը ջուղահայ ա-
մենահին աշուղների մէջ:

Ի՞նչ են ասում մեր ընդգծած փաստական
տեւալները: — Այն, որ Պ. Արամայիս Ալ-
լահվէրդեանը «Հայրենիք» ամսագրում ա-
շուղ Բաղէր օղլու մասին հաղորդել է մի-
անգամայն անճիշտ, սխալ տեղեկութիւն-
ներ, որոնք իրենց էութեամբ աղաւաղում
են հայ աշուղական գրականութեան իսկա-
կան եւ հարադատ պատկերը:

Թէրան

ԱՐԱՄ ԵՐԵՄԵԱՆ